

AKT THEMELIMI

I SHOQËRISËME PËRGJEGJËSI TË KUFIZUAR “RRJELA sh.p.k”.

Sot më datë **20.11.2025**, ne mbështetje të Vendimit të Keshillit Bashkiak nr. 23 datë 24/04/2025 Formohet Shoqëria “RRJELA “ SH.P.K., me adresë në me adresë në ne Godinen e Bashkise Divjake, kati i 3, prane zyrave të Agjencise së Sherbimeve Komunale, Divjake, perballë Sheshi Santa Barbara, në pasuirne nr.630/98, volum 51, faqe 14, në ZK 1492, , qyteti Divjake,

Ortaku i vetëm i shoqërisë është Bashkia Divjake identifikuar me numer Unik identifikimi të tatimpaguesit K54029405C, përfaqësuar nga Kryetari i Bashkise. Bashkia Divjake me është zoteruese i 1 (një kuote) barazvlefshëm me 100% të kapitalit.

Administratori i shoqërisë do të jetë Z. Bruno PRIFTI , shtetas Shqiptar, me adresë Divjake, Rruga “Ndini” nd.Nr.3, me zotësi të plotë juridike për të vepruar, për identitetin e të cilit u garantova me nr. ID J01109024N, emëruar sipas Urdhërit nr 11944 prot, datë 19/11/2025.

Në mbështetje të dispozitave të ligjit nr. 7850, datë 29.07.1994 “Për kodin civil të Republikës së Shqipërisë”, i ndryshuar; ligjit nr. 9901, datë 14.4.2008 “Për tregtarët dhe shoqëritë tregtare”, i ndryshuar; ligjit nr. 139/2015 “Për vetëqeverisjen vendore”, i ndryshuar; ligjit nr. 10463, datë 22.09.2011 “Për menaxhimin e integruar të mbetjeve”, i ndryshuar; ligjit nr. 10431, datë 09.06.2011 “Për mbrojtjen e mjedisit”, i ndryshuar; ligjit nr.9723, datë 3.5.2007 "Për qendrën Kombëtare të Regjistrimit", i ndryshuar, miratohet akti i themelimit të shoqërisë me përgjegjësi të kufizuar “RRJELA” sh.p.k., krijimi dhe funksionimi i së cilës përcaktohet si më poshtë vijon:

Neni 1

Emërtimi i Shoqërisë

1. Shoqëria do të quhet “RRJELA“ sh.p.k., person juridik publik, e cila do të ushtrojë veprimtarinë e saj në përputhje me legjislacionin Shqiptar.

Neni 2

Adresa dhe Forma Ligjore e Shoqërisë

1. Forma ligjore e Shoqërisë është “Shoqëri me përgjegjësi të kufizuar”, me 1 (një) ortak të vetëm, themeluesin e saj Bashkia “ Divjakë” përfaqësuar nga z. Josif Gorrea, shtetas Shqiptar, me zotësi të plotë juridike për të vepruar.
2. Shoqëria do të ketë selinë qendrore të saj në adresën: Sheshi Santa Barbara, Zona Kadastrale 1492.
3. Ortaku i vetëm mund të vendosi mbi transferimin e selisë së shoqërisë në një adresë tjetër.

Neni 3

Kohëzgjatja e Aktivitetit të Shoqërisë

1. Shoqëria do të zhvillojë aktivitetin e saj për një periudhë kohe të pa caktuar.
2. Ajo mund të shpërndahet para afatit me vendim të Asambles së Përgjithshme për shpërndarjen e shoqërisë, ose kur shpërndarjen e saj e përcakton vetë legjislacioni në fuqi.

Neni 4

Objekti i Veprimtarisë

1. Shoqëria “RRJELA” sh.p.k., ka për objekt të aktivitetit të saj si më poshtë vijon:

- a. Krijimin, zhvillimin dhe mirëmbajtjen e lulishteve, parqeve dhe hapësirave të gjelbra;
 - b. Rehabilitimin e hapësirave të gjelbra në territorin e Bashkisë Divjake nëpërmjet mbjelljes së pemëve dhe bimëve;
 - c. Furnizimin me bimësi dhe mirëmbajtjen e tyre në vazhdimësi, për zonat e banuara, segmentet rrugore, kopshtet, çerdhet, shkollat publike;
 - d. Projektimin, ndërtimin, adiministrimin e shatervaneve brenda territorit të bashkisë;
 - e. Administrimin i Landfill-it (Landfilleve) të mbetjeve urbane, pastrimin, grumbullimin brenda territorit të Bashkisë Divjake, transportimin, depozitimin e tyre sipas percaktimeve ligjore.
 - f. Implementimin e pajisjeve të qëndrueshme ekologjike për rikuperimin, riciklimin, trajtimin, asgjësimin e mbetjeve dhe të materialeve që rrjedhin prej tyre;
 - g. Rehabilitimin e zonave nga substancat ndotëse;
 - h. Ndërtimin e sistemeve për menaxhimin e ujërave të shiut dhe përdorimit të tyre në mënyrë efikase;
 - i. Ndërtimin dhe menaxhimin e impianteve për trajtimin dhe pastrimin e ujërave shkarkuese ujërave të ndotura, ujërave të shiut;
 - j. Mirëmbajtjen e parqeve memoriale, historike, natyrore, rekreative të territorit të bashkisë;
 - k. Menaxhimin e hapësirave të parkimit publik me pagesë në territorin e bashkisë, duke ofruar lehtësi në parkimin e mjeteve për qytetarët.
 - l. Menaxhimin i tregjeve të lira, permirsimi, mirëmbajtjen dhe administrimin i tyre.
 - m. Menaxhimi i shërbimeve të tjera turistike, shetitje me varka, vizita në qendra kulturore dhe objekte të ndryshme,,etj.
2. Shoqëria mund të nënshkruajë kontrata apo të jetë palë kontraktuese me subjekte privat apo publikë, në lidhje me kryerjen e shërbimeve sipas objektit të ushtrimit të veprimtarisë së saj.

Neni 5

Vula e Shoqërisë

1. Shoqëria identifikohet me vulën e saj, përmbajtja e së cilës është si më poshtë vijon: "RRJELA" sh.p.k.

Neni 6

Kapitali Themeltar

Zmadhimi dhe Zvogëlimi i Kapitalit

1. Kapitali themeltar i shoqërisë "RRJELA" sh.p.k., është 10 000 Lekë, i përbër nga kapital në para. Zotërues me 100% të kuotave të shoqërisë "RRJELA" sh.p.k., është Bashkia "Divjake".
2. Kapitali i shoqërisë mund të zmadhohet dhe/ose zvogëlohet në çdo kohë me vendim të Asamblesë së Përgjithshme të shoqërisë, duke reflektuar në statut ndryshimet përkatëse.

Për zmadhimin dhe/ose zvogëlimin e kapitalit të shoqërisë do të repektohen dispozitat ligjore në fuqi.

Neni 7

Organet e Shoqërisë

1. Organet e shoqërisë “RRJELA” sh.p.k., janë:

- 1.1. Asambleja e Përgjithshme.

- 1.2. Administratori.

Administratori i shoqërisë është Z.Bruno PRIFTI, shtetas Shqiptar, me adresë Divjake, Rruga “Ndini” nd.Nr.3, me zotësi të plotë juridike për të vepruar, për identitetin e të cilit u garantova me nr. ID J01109024N, Administratorit i jepen të gjitha kompetencat e nevojshme me qëllim për të arritur përmbushjen e objektit të shoqërisë sipas legjislacionit në fuqi. Për këtë qëllim ai mund t’u drejtohet palëve të treta për ndihmë, të cilëve mund t’u delegojë tërësisht apo pjesërisht një sërë kompetencash për realizimin e objektit të saj.

2. Administratori është i autorizuar të përfaqësojë dhe të nënshkruajë për shoqërinë në marrëdhëniet me palët e treta.

Neni 8

Shpërbërja e Shoqërisë

1. Shoqëria shpërbëhet në rastet që parashikohen në Statut dhe sipas parashikimeve ligjore në fuqi.

Neni 9

Likuidimi i Shoqërisë

1. Kur shoqëria priset ajo kalon në ‘Likuidim’ dhe në këtë rast emërtimit të shoqërisë i shtohet shënimi ‘Shoqëri në likuidim e sipër’.
2. Shoqëria dhe gjatë procesit të likuidimit do të vazhdojë të qëndroj si person juridik deri në përfundimin e procesit të likuidimit.
3. Shpërbërja e shoqërisë do të sjellë pasoja ndaj të tretëve vetëm pas publikimit të ç’regjistrimit të saj pranë Qendrës Kombëtare të Regjistrimit.

Neni 10

Dispozita të Fundit

1. Ndryshimet në Aktin e Themelimit të Shoqërisë do të bëhen vetëm me vendim me shkrim të Asambles së Përgjithshme.
2. Çdo mosmarrëveshje që mund të lindë gjatë ushtrimit të aktivitetit të Shoqërisë do të zgjidhet me mirëkuptim.
3. Nëse mosmarrëveshjet nuk arrihen të zgjidhen me mirëkuptim, atëherë do të zgjidhen nga gjykata kompetente në përputhje me legjislacionin në fuqi.
4. Akti i Themelimit u hartua në gjuhën Shqipe në 5 kopje, u lexua dhe u nënshkrua nga ortaku i vetëm i shoqërisë “RRJELA” sh.p.k.

ORTAKU THEMELUES I SHOQËRISË “RRJELA” SH.P.K.

Bashkia “DIVJAKË ”

Përfaqësuar nga z. Josif Gorrea.

